



U-POLIS
Nr. 823/23 Prot.
Datë: 23.10.2023

REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 91, datë 22.09.2023

PËR

**AKREDITIMIN PERIODIK TË PROGRAMIT TË STUDIMIT TË CIKLIT TË DYTË
MASTER I INTEGRUAR I SHKENCAVE NË “ARKITEKTURË DHE DIZAJN URBAN”,
TË UNIVERSITETIT “POLIS”**

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për funksionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 22.09.2023, në kuadër të vendimmarrjes për akreditimin periodik të programit të studimit të ciklit të dytë, Master i Integruar i Shkencave në “Arkitekturë dhe Dizajn Urban”, me të dhënat si më poshtë:

- a) Emërtimi i programit: Master i Integruar i Shkencave në “Arkitekturë dhe Dizajn Urban”
- b) Cikli i studimit: Cikli i dytë
- c) Akti zyrtar i hapjes/licensimit: Urdhër i Ministrit të Arsimit dhe Shkencës nr. 102, datë 24.04.2009
- d) Akreditimi periodik: Urdhër i Ministrit të Arsimit dhe Sportit nr. 268, datë 20.05.2016
- e) Institucioni që e ofron: Universiteti “Polis”
- f) Njësia bazë përgjegjëse: Departamenti i Arkitekturës dhe Inxhinierisë
- g) Kohëzgjatja (Vite/semestra): 5 vite / 10 semestra
- h) Kredite (ECTS): 300 kredite
- i) Forma e studimit: Me kohë të plotë
- j) Statusi i diplomës: ofrohet vetëm nga Universiteti “Polis”

k) Niveli i diplomës në kuadrin e Kornizës Shqiptare të Kualifikimeve: Niveli 7

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i akreditimit periodik të këtij programi ka qënë pozitiv, pa rekomandime;
- f. Rezultati i vlerësimit në lidhje me shkallën e plotësisht të *“Standardeve për sigurimin e cilësisë për programet e studimeve të ciklit të dytë “Masteri i Integruar i Shkencave”*” dhe cilësinë e ofertës akademike të programit të studimit, është **“i përmbush kryesisht standardet”**, me mangësitë si më poshtë:

1. Kualifikimi i disa prej anëtarëve të personelit akademik të angazhuar në këtë program studimi, nuk është në përputhje me aktet ligjore e nënligjore në fuqi.
2. Ngarkesa në orë e lëndë mësimore e disa prej anëtarëve të personelit akademik me kohë të plotë të angazhuar në këtë program studimi, është e lartë.
3. Lëndët me zgjedhje të përfshira në planin mësimor të këtij programi studimi janë shumë të limituara dhe jo plotësisht në përputhje me kompetencat e synuara të të nxënit, të këtij programi studimi.
4. Mungesa e një studimi të mirëfilltë të tregut të punës me qëllim evidentimin e nevojave për përmirësim të kurrikulës së këtij programi studimi.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:

1. Vlerësimin përfundimtar **POZITIV** për programin e studimit Master i Integruar i Shkencave në **“Arkitekturë dhe Dizajn Urban”**, të Universitetit **“Polis”**.

2. **Akreditimin** e programit të studimit me kohëzgjatjen prej **4 (katër)** vite.
3. Afati përfundimtar i vlefshmërisë së akreditimit të programit të studimit është **21.09.2027**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar
DARINKA PIQANI		Anëtar

DRITAN NAÇE



Anëtar

INDRIT HOXHA



Anëtar

Shënim: Z. Maurice Oudejans, nuk mori pjesë në këtë mbledhje.

Shtojca

Rekomandimet në zbatim të vendimit të Bordit të Akreditimit Nr. 91, datë 22.09.2023, "Për akreditimin periodik të programit të studimit Master i Integruar i Shkencave në "Arkitekturë dhe Dizajn Urban", të Universitetit "Polis", janë si vijon:

1. Institucioni, të marrë masa që kualifikimi i të gjithë anëtarëve të personelit akademik të angazhuar në këtë program studimi, të jetë në përputhje me aktet ligjore e nën ligjore në fuqi.
2. Institucioni, të marrë masa për uljen e ngarkesës mësimore në orë e lëndë, për disa prej anëtarëve të personelit akademik të angazhuar në këtë program studimi, të cilët mbulojnë mbi 600 orë mësimore e mbi 10 lëndë në një vit akademik.
3. Institucioni, të rrisë numrin e lëndëve me zgjedhje të përfshira në planin mësimor të këtij programi studimi dhe ti përcaktojë ato në përputhje me kompetencat e synuara të të nxënit, të këtij programi studimi.
4. Institucioni, të ndërmarrë një studim të mirëfilltë të tregut të punës me qëllim evidentimin e nevojave për përmirësim të kurrikulës së këtij programi studimi.
5. Institucioni, të shohë mundësi e krijimit të sistemit të komunikimit të brendshëm me qëllim ruajtjen e dokumentacionit, vendimet e njësisë dhe korrespondencat mes tyre, në funksion edhe të këtij programi studimi.

Në përmbushje të rekomandimeve të mësipërme, **Universiteti "Polis"**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

